



Iskazane prednosti članstva u NATO-u

U Bosanskom Brodu, Derventi i Doboju Završeni seminari o budućnosti NATO-a

Radi boljeg upoznavanja javnosti sa NATO-om i njegovom ulogom na Balkanu te prednostima koje sa sobom nosi, Štab NATO-a Sarajevo, Ambasada Norveške u BiH i Ministarstvo vanjskih poslova BiH organizirali su 27., 28. i 29. aprila u Bosanskom Brodu, Derventi i Doboju tri seminara pod nazivom „Prošlost, sadašnjost i budućnost NATO-a“, saopćio je Štab NATO-a Sarajevo.

O ovoj temi govorili su Jan Bratu (Braathu), ambasador Norveške u BiH, ambasador Fuad Šabeta, šef Odjela za mir i sigurnost Ministarstva vanjskih poslova BiH, te brig. dr. Džon Olsen (John), zamjenik komandanta i načelnik Savjetodavnog tima NATO-a pri Štabu NATO-a Sarajevo.

- Jedna od značajnih prednosti potencijalnog članstva BiH u NATO-u je ostvarenje stvarnog utjecaja na proces donošenja odluka u NATO-u. Temeljni princip NATO-a je „jedna zemlja - jedan glas“, koji se primjenjuje na svim nivoima donošenja odluka u Alijansi - izjavio je dr. Olsen.